

## Orzulari oydin qiz

Kichik tadbirkor

Nodirabegim . Tosheva Buxoro shahridagi 37-iqtisodga yo'naltirilgan maxsus maktabda a'lo baholarga tahsil oladi. U odatiga ko'ra bu yilgi yozgi ta'tilda ham Buxoro tumanida yashaydigan Zulayho buvijonisnikiga otlandi. Dugonalari Lola, Rushana, Maftunalar bilan kelgan nabirasini aya quchoq ochib kutib oldi. Bu qizaloqlarga yoz chillasining issig'i ham sezilmayapti. Chunki ular kun bo'yi ayaning kattakon bog'idan chiqishmaydi. Mevalarni terishadi, ulardan qoqi qilib qo'yishadi. Keyin esa buvijonning yoniga oshiqishadi.

Boisi, Zulayho aya ularga palak, so'zana, choyshab, yostiqlik jildlar tikishni o'rgatadi-da.

Yoshi saksondan oshsa-da, qadoq qo'llaridan igna tushmay kelayotgan Zulayho ayaning ko'zoynak taqmay kashta tikishlariga ham hayrat, ham havas bilan boqasan kishi. Bog'da yoshlar bilan barobar mehnat qiladilar. Shunday serg'ayrat, umri mehnatda o'tayotgan onaxonning nabirasi ham unga munosib bo'lishi kerak, shunday emasmi? Shunday! Nodirabegim ham juda tirishqoq qiz. Ularning hovlisini misli gulzor deysiz. O'zi o'stirayotgan chiroyli, rango-rang gullardan tikayotgan so'zana-yu palaklariga, yelpig'ich-u sumkachalariga nusxa ko'chiradi, nashqlarida aks ettirishga harakat qiladi. Buvijonisi ularnikiga mehmonga kelsa, Nodira uchun haqiqiy bayram bo'ladi. Zumda dugonalarini chaqirib kelib, buvijonisidan kashtachilik sirlarini o'rganishga kirishib ketishadi. Chevar dugonalar o'z qo'llari bilan tikkan buyumlaridan maktabda ko'rgazma tashkil qilishga ham ulgurishdi. «Kichik biznes va xususiy tadbirkorlik yili» munosabati bilan tashkil qilingan «Biznesimiz malikalari» nomli ko'rgazmada qatnashib, savdodan tushgan pullariga turli matolar, ip va munchoqlar, ta'tilda o'qishlari uchun ko'plab kitoblar sotib olishdi. Shu tariqa tadbirkorlikning ham hadisini olayotgan Nodirabegimning kelajakdagi rejaları ulkan: milliy kashtachiligimiz an'alarini davom ettirib, zamonaviy uslubdagi liboslarni kashtalar bilan bezatishni yo'lga qo'ymoqchi. Ishlab chiqargan mahsulotlarini esa chet ellarga ham eksport qilib, yurtimiz iqtisodiga munosib hissa qo'shmoqchi.

Biz nima ham derdik, yuzing kabi oydek oppoq orzularing ijobat bo'lsin, Nodirabegim!

O'z muxbirimiz

### USHBU SONDA:

O'g'limdan  
saboq oldim

3-bet

920  
diametrli  
daraxt

4-bet

Uyimizda  
«SIRK»

7-bet

## Istiqlol solnomasi

## YURT SHA'NI QO'LINGIZDA

Istiqlol yillarida ta'limga oid qator Davlat umummilliy dasturlarining amalga qo'llanishi, ko'plab yangi maktablar qurilishiga, joriylarining zamonaviy tipda rekonstruksiya qilinishi yoxud ta'mirlanishiga turtki bo'ldi. Shu o'rinda raqamlarga murojaat qilsak: Yurtboshimiz tomonidan qabul qilingan 2004-2009-yillarda maktab ta'limini rivojlantirish umummilliy dasturi doirasida 8501 ta maktabda qurilish-



sport bilan muntazam shug'ullanishlari uchun ko'plab sport inshootlari qad rostladi. Shulardan 62 ta suzish havzasi (20 tasi qishloq joylarida), 1796 ta maktab sport zallari qurilishi va 242 ta sport inshootlarini rekonstruksiya qilish ishlari amalga oshirildi.

Yurtboshimiz tashabbusi bilan «Bolalar musiqa va san'at maktablarining moddiy-texnik bazasini mustahkamlash va ularning faoliyatini yanada yaxshilash bo'yicha 2009-2014-yillarga mo'ljallangan Davlat dasturi» qabul qilindi. Bu dastur asosida 2009-2010-yillarda 14 ta yangi musiqa maktablari qurilib, 38 tasi kapital rekonstruksiya qilindi. Joriy yilda esa yana 65 ta ana shunday maktablar bolalar uchun Mustaqilligimizning 20 yillik to'yiga to'yona bo'lish arafasida turibdi.

Bunday imkoniyatlar, yaratilayotgan sharoitlarga javoban o'quvchilar ham ilm, fan, san'at, sport, qo'yning-chi, barcha sohalarida ulkan yutuqlarni qo'lga kiritishyapti.

2010-yilda 43 nafar iste'dodli yoshlarimiz Fransiya, Italiya, Germaniya, Buyuk Britaniya, Ruminiya, Rossiya, Ozarbayjon singari yirik davlatlarda o'tkazilgan turli tanlovlarda g'olib bo'lishdi.

Yuqorida keltirilganlar mustaqilligimizning eng aziz ne'mat, xolos. Bu sa'y-harakatlarning bari – siz yosh avlodning barkamol ulg'ayishingiz uchundir. Shunday ekan, izlanishda, ilm cho'qqilarini egallashda davom eting.

Ozoda TURSUNBOYEVA



ta'mirlash ishlari amalga oshirildi. 351 ta yangi maktablar qurilib, 2470 tasi kapital rekonstruksiya, 3608 tasi kapital va 2072 tasi joriy ta'mirdan chiqarildi.

Bugungi kunda yurtimizda faoliyat ko'rsatayotgan 9779 ta maktablarda 4,7 million o'quvchi tahsil olyapti. Ularga 423.574 nafar tajribali, bilimdon o'qituvchilar saboq bermoqdalar.

Respublikamiz maktablari o'rtasida tezkor axborot almashish tizimi va yagona ta'lim tarmog'ini tashkil etish maqsadida, Multimedia umumta'lim dasturlarini rivojlantirish markazi tashkil etildi. Bugungi kunda kutubxonalar soni 8603 tani tashkil etadi. Qator ilm maskanlarida axborot resurs markazlari faoliyati yo'lga qo'yilgan. Ayniqsa, har yili maktabga qadam qo'yayotgan I-sinf o'quvchilariga «Prezident sovg'asi»ning taqdim etilishi diqqatga sazovordir.

Bolalar sportini rivojlantirish ham davlat siyosati darajasiga ko'tarildi. O'quvchilarni

## GOLLANDIYADAN XUSHXABAR

Mustaqil O'zbekistonimizning 20 yillik to'yi arafasida bir xushxabardan ko'nglimiz tog'dek ko'tarildi. Buxoro Davlat universiteti qoshidagi 3-sonli akademik litsey o'quvchisi Javlon Isomurodov Gollandiyada o'tkazilgan 52-Butunjahon fanlar olimpiadasi g'olibi bo'ldi.

Javlonbek 105 mamlakatdan 600 nafar ishtirokchi kuch sinashgan ushbu xalqaro olimpiadada matematika fani bo'yicha ishtirok etib, 3-o'rinni qo'lga kiritib, yurtimiz dovrug'ini ko'klarga ko'tardi.

Javlonbekni bu yutug'i bilan muborakbod etib, unga kelgusida bundan-da ulkan zafarlar yor bo'lishini tilab qolamiz.



GORIFJONOVA

«Obod mahallam mening» insholar tanloviga

## BIZNING HAM HISSAMIZ BOR!

Mahallamizda barcha oilalar ahil-inoq yashaydilar. Ota-bobolarimiz bejizga mahallang – otang, mahallang – onang, deyishmagan. Chunki barchaning yaxshi-yomon kuniga birinchi navbatda mahalladoshlari yaraydi. Prezidentimiz ham mahallalarga alohida urg'u berib, uning jamiyatdagi o'rnini oshirish, mahalla guzarlarini tubdan yangilash maqsadida ko'plab islohotlarni amalga oshirmoqdalar. Ayniqsa, mahalla raisligiga mahallada obro'-e'tiborga ega bo'lgan, ko'pni ko'rgan oqsoqollar saylanishi maqsadga muvofiq bo'ldi. Har safar bayramlar arafasida mahallamizda hasharlar uyushtirilib turiladi. Unda biz yoshlar ham alohida jonbozlik ko'rsatamiz. Chunki ko'chamizning, mahallamizning obodligi bu yerda qanday odamlar yashashidan dalolat beradi. Xullas, mahallamiz kundan-kunga chiroy ochib bormoqda. Bunda bizning hissamiz borligidan mamnunmiz.

Go'zal QOSIMOVA, Jizzax shahridagi 24-umumta'lim maktabi o'quvchisi

Chevar qiz Madina ham ana shunday qo'li gul tikuvchilardan hisoblanadi. Bolalikdan badiiy kashtachilikka mehr qo'ygan qizaloq maktabi qoshidagi «Ustoz-shogird» to'garigida ustozlari Umida Mustafoyevadan xalq hunarmandchiligining sir-asrorlarini qunt bilan o'rgana bordi...

Madinaning so'zanalarida nur sochib turgan quyosh, zangori osmon va yetti rangdagi kamalak jilosi o'z aksini topardi. Uning nozik barmoqlari so'zanaga go'yo ertangi kun orzularini qo'shib tikayotgandek edi. Serg'ayrat dugonalar Nazira Mo'minova, Farida Sherqulova va Laziza Hakimova ham Buyuk Ipak yo'li, Jizzax shahridagi «Xotira maydoni» va istirohat bog'i tasvirlarini yuksak mahorat bilan matoga naqshlab, muxlislar e'tiborini qozondilar.

Yangilik yaratish yo'lida tinmay izlanayotgan Madina shahar maktablari o'rtasida o'tkazilgan «Hunarmand-2009» ko'rik-tanlovi g'olibi bo'ldi. Yosh qalbidagi kashta-

## SO'ZANAGA ORZULARI BITILGAN

chilikka bo'lgan ishtiyoqini o'zining she'riy misralarida ifodalashga harakat qildi.

Jizzax shahridagi 22-ixtisoslashtirilgan umumta'lim maktabi bitiruvchisi Madina O'rinboyeva respublika nashrlarida o'z ijod

namunalari bilan qatnashib keladi. Uning «Parvoz etgum», «Bulbul xonishi» nomli she'rlar to'plami chop etilgan. O'tgan yili viloyatda o'tkazilgan «Yosh iqtidorlar» ko'rik-tanlovida «Eng yaxshi ijodkor» yo'nalishi bo'yicha g'oliblikni qo'lga kiritdi.

2010-2011-o'quv yilida esa ona tili va adabiyot fanlaridan o'tkazilgan shahar

olimpiadasida birinchi o'ringa egallab, viloyat bosqichida qatnashish huquqini oldi. Maktabdagi «Munavvar tuyg'ular» nomli devoriy gazetaning qiziqarli, bezakli chiqishida Madinaning alohida hissasi bor.

Abdulla SAIDOV

Jizzax shahridagi Alisher Navoiy nomli mahalla xotin-qizlarining ko'pchiligi qo'li gul chevar tikuvchilar sanaladi. Ular orasida o'quvchi qizlar ham bo'lib, darsdan bo'sh vaqtlarida zarf, zlik, badiiy kashtachilik kabi xalq hunarmandchiligi bilan mashg'ul bo'lib keladilar. Ular tikkan buyumlardagi ipaklar jilosi va ranglar uyg'unligi beixtiyor sizni maftun etadi.



Suratda: Madina O'rinboyeva (o'rtada) dugonalar bilan

Aziz bolajonlar! Sizlarning mukammal bilim olishingiz, kelajakda o'zingiz sevgan kasbning yetuk mutaxassisi bo'lishingiz uchun mamlakatimizda ko'plab ibratli ishlar amalga oshirilayotganidan barchamiz xabardormiz. Poytaxtimizdagi «Shodlik Palace» mehmonxonasining anjumanlar zalida bo'lib o'tgan «Kamolot» YOIH xodimlari, taniqli olimlar, markaziy nashrlar, agentliklar hamda teleradiokanallarda faoliyat yurituvchi jurnalistlar ishtirok etgan mazkur o'quv-uslubiy seminar «Mamlakatimizda yoshlarga oid siyosatni amalga oshirishda «Kamolot» YOIHning o'rni va vazifalari» mavzusiga bag'ishlandi. Seminar-treningda «Kamolot» YOIH tomonidan yoshlarni ijtimoiy himoya qilish, zamonaviy kasb-hunarlarini egallashga bo'lgan intilishlarini qo'llab-quvvatlash, ish bilan ta'minlash va tadbirkorlikka jalb etish borasida amalga oshirilayotgan ishlar tahlil qilindi. O'smir yoshlarga ko'rsatilayotgan e'tibor, ularni ish bilan ta'minlashga doir masalalar xususida shoir Minhojiddin Mirzo quyidagilarni gapirib o'tdilar:

Ko'cha darvozamiz oldidan kattagina ariq o'tgan. Mahalladagilar tomorqalarimizni sug'orishda o'shandan foydalanamiz. Ariqning atroflarini ajiriy va boshqa o'tlar qoplab olganidan suvning ravon oqishi biroz pasayib qolgandi. Hozirda tilda yurgan o'g'limga bir-ikki bor tozalab qo'yishni tayinladim. O'zimning esa hatto dam olish kunlarim qo'lim tegmasa deng. Aksiga olib, o'g'ilboy ham shu ishga kirishay demasdi. Nonushta mahali sal qattiqroq gapirdim. O'g'lim ishdan kelishingizgacha siz

aytganday qilib qo'yaman, deya va'dani quyuq qilib yubordi. Ochig'i, o'g'limning bu gapidan biroz ach-chig'im keldi. Qariyb o'ttiz qadamcha keladigan joyni yosh bola bir kunda epa-qaga keltira olarkanmi?! Onasi ham beparvogina kulib turganini ko'rib, battar jahlim chiqsa deng. Indamay ishga ketdim. Kechqurun kelay, bir ta'zirini berib qo'yaman, deb o'zimni bosdim. Ishxonaga borgach, bu gaplar yodimdan

## AMOLOT — YOSHLAR SUYANCHI



maqsadida voyaga yetmaganlar ishlari bo'yicha komissiyalar tuzildi. Komissiya tarkibiga kiritilgan davlat va jamoat tashkilotlari tomonidan yoshlarni ish bilan ta'minlash masalasiga ham keng yondashmoqda.

«Kamolot» YOIH Markaziy Kengashi raisi Bahodir G'aniyev yoshlarni ish bilan ta'minlash borasida qilinayotgan ishlar haqida ma'lumot berib o'tdilar:

— Ayni kunlarda «Kamolot» YOIHning 14 ta hududiy, 194 ta mahalliy bo'lim Kengashlari hamda 15617 ta Boshlang'ich tashkiloti samarali faoliyat olib bormoqda. Ushbu bo'lim va tashkilotlar tomonidan yoshlarni ijtimoiy himoya qilish, zamonaviy kasb-hunarlarini egallashga bo'lgan intilishlarini qo'llab-quvvatlash, ish bilan ta'minlash va tadbirkorlikka jalb etish borasida ko'plab ishlar amalga oshirilmoqda. Shu bilan birga, turli loyihalar, tanlovlar, biznes g'oyalari tashkillashtirilib, yoshlarga kasb tanlash borasida yo'l-yo'riq va ko'rsatmalar berib borilmoqda.

Yoshlarning ishsiz qolmasliklari uchun O'zbekiston Milliy universiteti hamda «Kamolot» YOIH qanday ishlarni amalga oshirmoqda, degan savolimizga universitetning ma'naviy-ma'rifiy ishlar bo'yicha prorektori Qahramon Quranboyevdan quyidagicha javob oldik:

— Bugungi kunda «Kamolot» YOIH bilan hamkorlikda iqtidorli yoshlarning orzu-istaklarini ro'yobga chiqarishga xizmat qiladigan loyihalar va tadbirlar tashkil etib, internet sahifalari orqali yoshlarni bo'sh ish o'rinlariga joylashtirishni yo'lga qo'yishni rejalashtirmoqdami.



Ikki kun davom etgan o'quv-seminarda jurnalistlar o'zaro fikr almashib, o'zlarini qiziqtirgan barcha savollarga javob olishga muvaffaq bo'ldilar.

Gulyuz BAHODIR qizi



### YUTUQLAR SARHISOBI

Kuni kecha «Kamolot» yoshlar ijtimoiy harakati tuman, shahar bo'limlarining navbatdagi V hisobot-saylov konferensiyalari yakunlari hamda hududiy konferensiyalar boshlanishiga bag'ishlangan matbuot anjumani bo'lib o'tdi.

«Kamolot» yoshlar ijtimoiy harakati tashkil topgan ilk kunlardan oq Prezidentimiz «Kamolot» — yoshlarning chinakam suyanchi va tayanchi bo'lsin», deya tilak bildirgan edilar.

Bugungi kunda ushbu tilak ijobat bo'ldi, desak aslo mubolag'a bo'l-maydi. Harakat a'zolari Vatanimizda amalga oshirilayotgan islohotlar va bunyodkorlik ishlariga o'zlarining munosib hissalarini qo'shmoqdalar.

Harakat homiyligidagi «Vatan, do'stlik va xalqparvarlik uchun» shiori ostida 10 yoshdan 14 yoshgacha bo'lgan 2,2 milliondan ziyod bolajonlarni o'z safida birlashtirgan «Kamalak» Bolalar tashkiloti ham samarali faoliyat olib bormoqda.

Ta'kidlash joizki, Harakatning navbatdagi III Qurultoyi shu yilning noyabr oyida o'tkazilishi belgilangan.

2011-yil iyun-iyul oylarida o'tkazilgan 194 ta mahalliy bo'limlarning V konferensiyalarida Harakatning tuman, shahar Kengashlari tomonidan amalga oshirilgan ishlar xolis tahlil qilindi va oldinda turgan dolzarb vazifalar belgilandi.

Bo'lib o'tgan konferensiyalarda yurt taqdiriga o'zini daxldor deb bilguvchi bilimli va shijoatli yoshlar ijtimoiy faolligining yurtimiz rivojiga ta'siri, Vatan ravnaqi va kelajagidagi o'rni masalasiga ham alohida to'xtalib o'tildi.

Muzaffar AHMEDOV

chiqib, ishga sho'ng'idim. Ishdan qaytayotganda esa yana ertalabki gap yodimga tushdi. O'g'limda nima ayb?! O'zim ham hafsalasizlik qilyapman-ku. Ertalab barvaqtroq turib, o'zim shu ishni boshlab bersam bo'ladi-ku. Bundan ruhlangan o'g'lim ham qarab turmasmidi?

Ko'chamiz tomon burilarkanman, hozir ko'zim ajiriy bosgan arig'imizga tushishidan ta'bim xira bo'ldi. Ishonasizmi, darvozamizga yaqinlashib, tappa to'xtab

## O'G'LIMDAN SABOQ OLDIM

qoldim. Uyimiz oldidagi ariqning ikki tomoni qirtishlab tozalab qo'yilibdi, bir dono xas ham ko'rinmaydi. Ariqdan sharqirab oqayotgan zilol suv biram tiniq, biram shaffofki... Uyga otilib kirdim. Ishni do'ndirib qo'ygan o'g'ilboy onasi bilan televizor ko'rib o'tiribdi. Charchagan odamgayam o'xshamaydi. Ishonmay turibsiz-a? Birov aytasa,

men ham ishonmasdim. Endi buning sirini sizga ochmasam bo'lmaydi: o'g'lim uch-to'rtta sinfdoshlari bilan hashar qilishibdi. Ularda shunday an'ana bor ekan.

Bu gaplarni eshitib, beixtiyor yoshligim, ota hovlimiz yodimga tushdi. Hovlimiz o'rtasidan katta ariq o'tgan edi. Butun mahalla o'sha ariqdan, tog'dan keladigan toza suvdan ichardi. Shuning uchun ham mahalladoshlarimiz tez-tez hashar uyushtirib, ariqni tozalab turishardi. Erkagi yo'q hovlilarning arig'ini ham



O. Vozxonov  
chizgan rasm

Yusuf ABDULLAYEV

Qashqadaryo viloyat ixtisoslashtirilgan san'at maktab-internati o'quvchilari Mustaqilligimizning 20 yilligiga bag'ishlab Mustaqillik monumenti eskizini tayyorlashdi. Bu gapni eshitdigi-u, maktab-internat tomon yo'l oldik.

Bizni maktab direktori, O'zbekiston Badiiy Akademiyasi

a'zosi, Akademiyaning kumush va oltin medallar sohibi, rang-tasvirchi rassom Toshpo'lat Namozov iliq qarshi oldi.

– 140 o'rinli maktab-internatimizga iqtidorli bolalar 5- sinfdan qabul qilinadi. Bilim maskanimizda, asosan, Kitob, Shahrisabz, G'uzor, Yakkabog', Chiroqchi tumanlaridagi eng iste'dodli o'quvchilar tahsil olishadi, – deydi maktab rahbari. – O'quvchilarim bilan birgalikda Mustaqillik monumenti eskizini tayyorladik. Istiqloq tantanalari o'tadigan Amir Temur



**Yurtimiz bo'ylab Mustaqilligimizning 20 yilligiga qizg'in tayyorgarlik ko'rilayotgan ayni kunlarda muxbirimiz Samarqand va Qashqadaryo viloyatlarida bo'lib qaytdi. U yerdagi tengdoshlaringiz hayoti va faoliyati bilan qiziqdi. Bugungi sahifamizda qashqadaryolik tengdoshlaringiz va ularning ustozlari haqida hikoya qilinadi.**



## MUSTAQILLIK MONUMENTI

### o'quvchilar nigohida

maydonidagi sahna bezaklarini yaratishda Sohibqiron hayoti va faoliyati bilan bog'liq manbalarga murojaat qildik. Bobomiz ruhi bizga kuch-quvvat bag'ishladi.

Internatda yaxshi bir an'ana yo'lga qo'yilgan ekan: iqtidorli o'quvchilarning ijodiy ko'rgazmasi o'z qishlog'ida tashkil qilinadi. Yaqinda 8-sinf o'quvchisi Jahongir Qilichevning ijodiy ishlari ko'rgazmasi o'zi tug'ilib o'sgan Chiroqchi tumanidagi Chiyal qishlog'ida bo'lib o'tdi. Farzandining yutuqlaridan quvongan ota qishloqdoshlariga osh berdi. Chunki Jahongirning amaliy san'at, rang tasvir hamda turli kompozitsiyalarni mahorat bilan yaratishida, albatta, qishloqdoshlarining hissasi beqiyos-da!

San'at maktab-internati o'quvchilari nafaqat Respublika, balki xalqaro miqyosdagi tanlovlarda ham ishtirok etib, g'oliblik bayrog'ini ko'tarmoqdalar. Jumladan, Sarvar Rahimov Hindistonda har yili muntazam ravishda o'tkazilib kelinayotgan «Shankar» xalqaro bolalar rasmlari festivalida ishtirok etib, kumush medal sohibi bo'ldi. Chexiya Respublikasida o'tkazilgan «Liditse-99» xalqaro bolalar ko'rgazmasida maktab-internat o'quvchilaridan 20 nafari muvaffaqiyatli qatnashib, uchta kumush, bir necha diplom va rag'batlantirish olganlari uchun mazkur internat jamoasi tanlovning bronza medali va diplomi bilan taqdirlandi. Bu esa o'quvchilarni yanada ruhlantirib yubordi.

Yaqinda yana bir xushxabar tarqaldi: maktab-internat o'quvchisi Javohir G'ayratov Birlashgan Arab amirliklarida bo'lib o'tgan xalqaro bolalar ko'rgazmasida o'zining ijodiy ishlari bilan qatnashib, laureat bo'lib qaytdi.

– Bu yutug'imni Mustaqilligimizning 20 yilligiga sovg'am, deb bilaman, – deydi quvonib Javohir. – Kelgusida yurtim taraqqiyoti uchun bor kuch-g'ayratimni ayamayman.

Biz ham maktab-internatning Javohir kabi iqtidorli o'quvchilariga havas qilib, niyatingiz ijobat bo'lsin, dedik.



## GULASAL



Gulasal Isomova Shahrisabz tumanidagi 30-maktabning 4-«B» sinf o'quvchisi. Uning yozgi ta'tili mazmunli o'tmoqda. Opasi Kumushdan pazandalik sirlarini o'rganib oldi. Endi u o'rtoqlari Dilnoza, Xusnora va Kumush bilan «Kim chaqqon va pazanda?» musobaqasini o'tkazishga ham tayyor. Qiz bolaning pazanda, sarishta bo'lgani qanday yaxshi!

Qashqadaryo viloyati, Kitob tumanidagi 2-umumta'lim maktabiga kirib borganimizda, soat sakkiz ham bo'lmagan edi. Ammo farroshlar ta'til bo'lishiga qaramasdan, o'z ishini allaqachon qoyilmaqom qilib tugatib ketishgan ekan. Yo'laklarning ozodaligi, saranjom-sarishtaligi dilimizni hayratdi.



## O'Z KASBINING USTASI

– Ta'tilda ham bir nechta to'garaklarimiz faoliyat yuritaypti. Jumladan, stol tennisi, futbol ishqibozlari uchun maktabimizda sharoit yaratib berilgan, – deydi maktab direktori Mirshod Achilov. – Otam Sohib Achilov 43 yil ta'lim sohasida xizmat qildilar. Shu maktabning qurilishida shaxsan ishtirok etib, uzoq yillar direktor vazifasida faoliyat yuritdilar. Bugungi kunda otamning ezgu ishlarini davom ettirayotganimdan behad xursandman. Maktabning sobiq o'quvchilari – Dilorom Saidova matematika, Mehri Qodirova rus tili, Alisher Suyunov tarix fanlaridan o'quvchilarimizga saboq bermoqdalar. Bu ro'yxatni yana davom ettirishim mumkin. Fidoyi ustozlarimiz boshchiligidagi 25 sotix tashlandiq joyni obod qilib, terak ekdik, 10 sotix yerga esa mevali daraxtlar ekib, bog' yaratdik. Bundan tashqari, kartoshka ekib, 10 tonnadan ziyod hosil oldik. Bu ibratli ishlarimizda o'quvchilarimiz mehnatini ham alohida ta'kidlagan bo'lardim.

Maktab direktori Mirshod a'yaning o'qituvchi-yu o'quvchilardan ko'ngli to'lib so'zlashidan angladikki, demak, rahbarning o'zi yaxshi tashkilotchi, bolajon, o'z kasbining ustasi.

## 920 DIAMETRLI DARAXT

Eni 920 diametrli daraxtni ko'rganmisiz? Ko'rmagan bo'lsangiz, Kitob tumanidagi Oqsuv qishlog'iga yo'l oling. U yerdagi Oqsuv ziyoratgohida ana shunday ulkan tut daraxti bor. Tuting yoshi VI asr bo'lib, uning diametri o'quvchilar tomonidan o'lchangan ekan.



– Bu joylar Mustaqilligimiz tufayli obod bo'lmoqda, – deydi Shayx Shamsiddin kulol jome masjidi imom xatibi Ayubxon Qudratov. – Deyarli har kuni o'quvchilar o'z ustozlari, ota-onalari bilan ziyoratgohga kelishadi. Ular qishloqlari tarixi, yaxshi insonlarning ezgu ishlari bilan tanishadilar, xulosa qiladilar, ibrat oladilar. O'z yurtlariga munosib farzand bo'lishga intiladilar.

# SHAHRIXONDAN

*Ta'til kunlari bo'lishiga qaramay, tahririyatimizga kelayotgan xatlarning keti uzilmayotganidan behad mamnunmiz. Maktublar orasidagi kattagina xatjild e'tiborimizni tortdi. Andijon viloyati, Shahrixon tumanidagi Naynavo qishlog'idan kelgan ushbu maktubni 51-maktab qoshida ayni ta'til kunlarida ham faoliyat ko'rsatayotgan «Nishona» to'garagi a'zolari yo'llashibdi. Unda ustoz-u shogirdlar ijodidan talaygina namunalar bo'lib, mazkur bilim dargohining 7-«A» sinf o'quvchisi Shahzodbek Abdusalomovning ustoz haqidagi iliq fikrlari ham bayon qilingan.*

## ONAM

Ko'kda Quyosh, Oyimsiz,  
Sharqiragan soyimsiz,  
Mening borlig'im, bog'im,  
Siz mehribon oyimsiz.

Nodirbek  
AHMADJONOV,

3-«A» sinf o'quvchisi

## XAT KELDI

### TABASSUM QIL

Kayfiyating bo'lsin chog',  
Yurgin hamisha quvnoq.  
G'araz niyatli bo'lma,  
Birovga qazima choh.  
Kattalarni hurmat qil,  
Do'stni to'g'ri tanlay bil.  
Bo'lay desang sen komil,  
Nasihatga amal qil.  
Kamsuqum bo'lg'in doim,  
So'zlagin sen muloyim.  
Tabassum-la yashasang,  
Iqboling kular doim.



Bu tun boshqacha kechdi,  
Birdan uyg'onib ketdim.  
Uyqum topolmay sira,  
Tun poyoniga yetdim.  
Ne qilarim bilolmay,  
Yuribman u yon-bu yon.  
Uyqumni topay desam,  
U «qochar» misli quyon.  
Barchasiga sababchi,  
Dilimni qilgan xufton.  
Keyin bildim, u ekan,  
O'sha kichkina sichqon.

Po'latjon BOYNAZAROV

## USTOZ HAQIDA SO'Z

Ustozimiz Po'latjon Boynazarov maktabimizda ma'naviy-ma'rifiy ishlar bo'yicha direktor o'rinbosari bo'lib ish boshlaganiga hali ko'p bo'lgani yo'q. Lekin shu oz fursat ichida bilim maskanimizda ma'naviy-ma'rifiy ishlar samaradorligi sezilarli darajada oshdi. Ustozimiz Po'latjon aka tasviriy san'at fanidan saboq bersalar-da, yaxshigina she'riyat shaydosi ham ekanlar. U kishi tashkillashtirgan «Nishona» to'garagi sabab, o'quvchilarimiz orasida she'riyat ixlosmandlari, kitobxon o'quvchilar soni ortdi. Hozirda ijodkor o'quvchilarimizning she'riy mashqlari tuman hamda viloyatning «Ziyo» gazetalarida muntazam chop etilib turibdi. Izlanuvchan ustozimizning o'zlari esa 2010-2011-o'quv yilida «Yil o'qituvchisi» ko'rik-tanlovida ishtirok etib, viloyatda 2-o'rinni qo'lga kiritdilar.

Po'latjon akani serqirra ijodkor desak, mubolag'a bo'lmaydi. Bayram va tadbirlarda o'zlari doira chalib, qo'shiq aytadilar, barchamizni «Andijon polkasi»-yu «Lazgi»ga o'ynatib, davralarga fayz kiritadilar.

Ustozning ajoyib bir odatlari bor: qaysi sinfda davomat pasayib ketsa, o'sha sinfda qiziqarli o'yinlar tashkillashtiradilar, darslarni ham o'yin tarzida o'tib, o'quvchilarni darslarga qiziqtirishga intiladilar.

Yaqinda Po'latjon aka «Qo'g'irchoq teatri» tashkil qildilar. Shuningdek, «Tasviriy san'at» to'garagida bizga «pape-mashe» usulida qo'g'irchoqlar tayyorlashni o'rgatypitilar. Qo'g'irchoqlarimiz tayyor bo'lgach, Mustaqilligimizning 20 yilligi arafasida tumandagi maktabgacha tarbiya muassasalarida, maktablarning quyi sinf o'quvchilari davrasida teatr tomoshalari qo'yishni rejalashtiryapmiz.

Darvoqe, yodimdan ko'tarilay debdi, «Tong yulduzi»ning Andijon viloyatiga bag'ishlangan maxsus sonida «Kitob» nomli she'rimning chop etilishida Po'latjon akaning hissasi katta.

Bugun ham to'garagimiz a'zolari, shuningdek, ustozimiz ijodidan namunalar yuboryapmiz. Ular gazeta sahifalarida e'lon qilinsa, behad mamnun bo'lardik.



### BIR NIHOLMAN

Yurtimning bog'larini,  
Jannatga o'xshataman.  
Bog'lardagi g'unchani,  
O'zinga o'xshataman.  
Yurtimning bog'larida,  
Ochilib yursam deyman.  
Unga chiroy baxsh etib,  
Ko'rk bo'lib tursam deyman.  
Xolmurod A'ZAMJONOV,  
5-«A» sinf o'quvchisi


### NAYNAVO QISHLOG'IM



O'tmishlardan sado beradi,  
Tuprog'i zar, ma'vo yeladi,  
Dilga yaqin navo keladi,  
Nayga navo bergan qishlog'im.  
Subhidamda qoshida hilol,  
Kelinlari darvoza ochar.  
Ostonasin gulga to'ldirib,  
Xushbo'y isin atrofga sochar.  
Dalasida unar bug'doyi,  
Nish uradi ekinlar shohi.  
Mehnatidan ko'ngillar to'lib,  
Dilga da'vo berar qishlog'im.  
Bobolari duolar qilar,  
Ro'zg'origa baraka tilar.  
Kindik qonim to'kilgan yurtim,  
Naynavoning iqboli kular.

Sarvinov ABDUSALOMOVA,  
8-«B» sinf o'quvchisi

## RASMLAR KO'RG'AZMASI



Mana, qadrlil o'quvchilar, shahrixonlik yosh qalamkash tengdoshlaringiz ijodidan namunalar o'qidingiz. Ular yo'llagan rasmlardan tashkil qilingan «Rasmlar ko'rg'azmasi» Sizga ham manzur bo'ladi, degan umiddamiz.

FERUZA tayyorladi

## YAGONAM

Onajonim yagonam,  
Siz men uchun bir donam.  
Qalbimning quyoshisiz,  
Dardimning davosisiz.  
Yolg'iz qolsam yo'ldoshim  
Har bir ishda yo'lboshim,  
Yagonamsiz, onajon!

Kumush VAFOYEVA,  
Xorazm viloyati,  
Shovot tumanidagi maxsus iqtidorli  
bolalar maktabi o'quvchisi

GO'ZAL  
MASKANIM

Qadrdon maktabim, go'zal maskanim,  
Men uchun muqaddas, aziz dargohim.  
Sendan oldim butun olam sirlarin,  
Sen-la quvonarman, poklanar ruhim.

Bag'ringda ulg'ayib kamol topdim men,  
Qayda bo'lmay, seni mudom maqtugum.  
Ma'rifat qasriga qiyoslay seni,  
Bizga bilim berib, tolima, maktabim.

Fotima NARZULLAYEVA,  
Sergeli tumanidagi 318-ixtisoslashtirilgan  
bog'cha-maktab o'quvchisi

BUNDAY MAKON  
QAYDA BOR?

Chiroyiga barcha lol,  
Suvlari tiniq, zilol,  
Dehqonin noni halol,  
Jannatga o'xshash diyor.  
Ayting do'stlar, qayda bor?  
Nok, anorli bog'i bor,  
Osmon qadar tog'i bor,  
Do'sti ko'p, o'rtog'i bor,  
Tilidan tushmas alyor,  
Qo'shiqli yurt qayda bor?  
Oltin, kumush koni bor,  
Yerda hosili bisyor,  
Aytgum takror va takror:  
Har jabhada zo'r, ilg'or,  
Shunday makon qayda bor?

Farangiz XOLBO'TAYEVA,  
Samarqand viloyati, Paxtachi tumanidagi  
21-umumta'lim maktabi o'quvchisi

## GULLAR

Atirgulga tegmanglar,  
Qomatini egmanglar.  
Lolalar qirda alvon,  
Uni e'zozla, Javlon.  
Gullar bizning do'stimiz,  
Yopar kam-u ko'stimiz!

Pokizabonu RAHMATOVA,  
Toshkent shahar, Olmazor tumanidagi  
242-umumta'lim maktabi o'quvchisi

## IJOD ZAVQI

Mohina Ibragimova Surxon  
vohasining Sariosiyo tumanidagi  
go'zal, purviqor tog'lar bag'rida  
joylashgan Hisorak qishlog'ida  
tavallud topgan. Bolaligidan uni o'ziga

DARYO BILAN  
DILLASHUV

mahliyo etgan yurtning salobatli  
tog'lari-yu bulbullari xonishi hamda  
daryolarning ayqirib oqishi uning  
zavqiga zavq qo'shgan bo'lsa,  
ajabmas. Mohinaning tuman, viloyat  
miqyosida o'tkazib kelinayotgan  
barcha tanlovlarda o'z ijod namunalari  
bilan ishtirok etib kelayotgani ana shu  
zavqning samarasi bo'lsa, ne ajab?!

U ko'proq daryo bo'yida o'tirib  
rasm chizishni yoqtirarkan. Go'yo daryo bilan  
dillashayotgandek. Mohinaning ijodida ko'proq qishloq hayoti,  
tog'liklarning turmush tarzi o'zining  
yorqin ifodasini topadi. Sariosiyo  
tumanidagi 48-umumta'lim  
maktabining 9-sinf o'quvchisi  
Mohinaning chizgan rasmlarini ko'rib,  
biz ham hayratlandik. Chizgilaridagi  
yorqin ranglar jilosida tabiatning eng  
nozik, nafis qirralarini ochib berishga  
intilayotgan qizimizga, ijodining tog'lar  
kabi yuksalsin, degimiz keldi.

Axtamqul KARIM

## KITOB YAXSHI SOVG'A...MI?

Muhokama uchun mavzu

Bir tanishim uyiga taklif qildi:  
o'g'ilchasining tug'ilgan kuni ekan.

Ataylab kitob do'koniga borib,  
unga bolalarbop ikkita kitob sotib  
oldim. Eshikdan istiqbolimga

yugurib chiqqan bolakayga  
sovg'amni topshirdim. Naza-  
rimda, kichkintoydan ko'ra

ko'proq uning onasi sovg'aning  
nimaligiga qiziqardi. Chiroyli  
muqovalangan kitoblarni ko'rib,

ona labini burdi, bola esa  
sevinchini yashirolmay, maqtan-  
gani o'rtloqlari oldiga yugurib ketdi.

Dasturxon to'kin, yeb-ichib o'tirgandik, bir  
payt bolakayning zorlanib yig'lagani eshitildi.

Ota-ona uning qoshiga oshiqishdi:

– Ukam kitobimni yirtdi, – zorlandi bolakay.

– Uni hali o'qimagandim...

– Bitta kitobga shunchami, yirtilsa, sadqayi-  
sar, ertaga boshqasini olib beraman, – bolasini

yupatgan bo'ldi ona: – Qo'rqib ketibman, yiqilib  
biror joying lat yebdimi deb.

– Yo'q, menga shu kitob kerak, o'qituvchimiz  
uni ta'tilda o'qib kelinglar, degan. Sizga qancha

yalindim, olib bermadingiz, dadam ham do'konda  
bu kitob yo'q, degandilar.

Nihoyat, ota murosasiga yo'lga o'tdi:

– Amakingga aytamiz, yangisini olib beradi.

Bolakay shu gapni kutib turganday yirtilgan  
varaqlarni dastalab yonimga keldi. Ularni

yelimlab bermoqchi bo'ldim, ammo bu harakatim  
tanishimga yoqmadi.

– Bitta kitobni deb o'tirishni buzmaylik.



Shu payt eshik qo'ng'irog'i  
jiringlab, yana mehmonlar  
kelib qolishdi. Bolakayga

tog'asi o'zi yurar mashina  
sovg'a qildi. Birpasda  
yirtilgan kitob ham

unutildi. Kichkintoyning  
ko'zlari quvonchdan por-  
ladi. Mehmonlar orasida

yoshrog'i men bo'lganim  
uchun bo'shagan idishlarni  
olib, oshxonaga chiqdim. Ne

ko'z bilan ko'rayki, haligi kitob  
chiqindi qutisida yotar, hatto  
ustiga ovqat qoldiqlari ham to'kilgandi.

Mehmonxonaga qaytib kirolmadim, yuragimga  
nimadir sanchilgandek bo'ldi va xayrlashmay

xonadonni tark etdim. Shu voqea sabab bo'ldi-  
yu, qo'limga qalam oldim, kitob haqida nimadir

yo'zishga ahd qildim.

Donishmandlar kitobni do'st, sirdosh, xazina  
deb bejizga aytishmagan. Haqiqatan ham kitob

yaqin do'sting, sirdoshing, jisimga ruhiy quvvat  
beruvchi, yaxshilik, mehr-oqibat, saxovatga

boshlovchi eng ishonchli hamrohingdir. Meni  
kitobga oshno etgan ota-onam hamda aziz

ustozim Dildora Abdullayevadan bir umr  
minnatdorman. Kitobni do'st bilib, ko'p narsani

angladim, o'zimni va o'zgalarni tanidim. Dunyo  
mamlakatlari, millatlar, elatlar haqida tasavvurim

oshdi.

Kitobga oshno bo'lgan kishidan yomonlik  
chiqmaydi. Xalq ertaklari va dostonlarini sevib

o'qigan bolaning dunyoqarashi keng, orzulari mo'l  
bo'ladi, hamisha qahramonlik, mardlik, birovlariga

yaxshilik qilishga talpinadi. Shunday ekan, bolalik,  
o'smirlilik faslining eng ishonchli, eng sodiq  
murabbiysi kitobdir.

Bugun qay bir kitob do'koniga kirmang, bir-  
biridan qiziqarli, chiroyli muqovalangan lotin  
alifbosidagi bolalarbop kitoblarga ko'zingiz

tushadi. Ayniqsa, bolalarning sevimli shoir va  
yozuvchilari Xudoyberdi To'xtaboyev, Anvar  
Obidjon, Miraziz A'zam va boshqalarning asarlari

bolalar qalbiga ezigulik urug'ini sochmoqda.

Yaqinda qiziq bir voqeaning guvohi bo'ldim:  
poytaxtimizni tomosha qilgani kelgan mehmonlar

«Sharq ziyokori» do'konida bahslashib  
qolishdi. Kimdir bolalarimizga kitob olaylik desa,

boshqasi: – Yo'q, uyimizda kompyuter bor-ku,

qancha kitob desangiz, unda tiqilib yotibdi, yaxshisi,

o'yinchoq, rasmiy maykalar olaylik, – dedi.

Ayollardan biri o'jarroq ekanmi, so'zidan qaytmadi:

do'kondan biri quchoq kitoblar bilan chiqdi.

Hamrohlari esa atrofdagi do'konlardan, rangli  
pufaklar, o'yinchoqlar sotib olishdi. Ular xaridlarini

bir-birlariga ko'rsatayotganlarida pufaklardan ikki-  
uchtasi «paq-paq» etib yorildi. Shu payt chiroyli

o'yinchoqni dugonasiga «ko'z-ko'z» layotgan ayol  
darrov uni sumkasiga solib qo'ydi. Chamasi u

o'yinchoqning buzilib qolishidan qo'rqdi. Shunda  
barcha ayollar kulib yuborishdi. Kimdir: «Qumrixon

balo chiqdi, u hammamizdan aqli ekan, olgan  
sovg'asi na yoriladi, na buziladi».

Ha, ko'rib, eshitganim ushbu voqea chindan  
ham o'ylatadigan, o'rganadigan ibrat edi.

Bu haqida siz qanday fikrdasiz, aziz muxlislar?  
Bizga yozib yuboring.

Shohjahon RAUPOV

Muslimbekning dadasi el orasida «Rembo» polvon nomi bilan tanilgan. Chindan ham polvonmisan polvon-da! Kecha uning polvonlik mahoratini poytaxtimizning G'afur G'ulom nomli madaniyat va istirohat bog'idagi milliy sirk tomoshalarida ko'rib, hayratimiz oshgandan oshdi. Uch yoshli nabiram Jahongirmirzo polvonning harakatlaridan ta'sirlanib, oilamiz a'zolariga har kuni «sirk» tomoshasini qo'yib bermoqda.

## UYIMIZDA «SIRK»

Ayniqsa, o'zi tengi Muslimbekning o'z vaznidan og'irroq toshlarni ko'tarishi, baland dorda langar yordamida sakrab-sakrab yurishlari, akrobatik mashqlarni juda tez va yengil bajarishi, odamlar bilan to'la «Damas» avtomashinasini tortishi, uch gazli katta ilonni bo'yniga o'rashini ko'rib, uning ham polvon bo'lgisi kelib qolgandir-da.

Aziz bolajonlar! Bu tomoshalar haqida o'qib, siz ham xuddi Jahongirmirzo kabi polvonlikni havas qildingizmi? Lekin qanday qilib polvon bo'lish mumkinligi, uning mashaqqatlarini ham bilasizmi?

Keling, unda polvonlik sirlari va mehnatlari haqida quvasoylik polvon Qodir aka Maraimovning hikoyasini tinglaymiz:

– Xalq orasida menga «Rembo» deb nom qo'yishgan. Yurish-turishim, qaddi-qomatimga qarab shu nomni berishgan. Polvonlar naslidan emasman. Lekin bolaligidan sportni yaxshi ko'rardim. Har tong badantarbiya mashqlarini bajarishni odat qilganimdanmi, muskullarim kuchga to'lib borardi.

...Bir kuni Farg'ona shahrida yashovchi ammannikiga mehmonga bordim. Ularning uyida ijarada yashovchi Ali polvon bilan tanishdim. U kishi qiziqishimni payqab: «Polvon bo'lmoqchimisiz?» deb so'radi.

Uyalibgina bosh silkitdim. Shunday qilib, Ali polvon mening birinchi ustozimga aylandi. Yetti yil Ali polvonning sabog'ini oldim. So'ng, ularni mustahkamlash uchun xalqimizning taniqli polvoni Tursun Ali akaga shogird tushdim. Mashhur polvondan ham o'n yil polvonlik sirlarini o'rgandim. Sahnada harakatlanish hadisini u kishining o'g'li Ravshan hojidan oldim. Hozir oilaviy milliy sirk guruhi rahbariman. Bolajonlar, sizlar mendan o'g'lim Muslimbekning qanday qilib jajji polvon bo'layotganligi haqida so'ragandiz-a?



Muslimbekning tanasini chaqaloqligidanoq egiluvchanlikka o'rgatib bordim. Bir yarim yoshida esa baland dorga olib chiqdim. Muslimbekning akasi Omadbekni ham shunday tarbiyaladim. Hozir ikki o'g'lim, jiyanim hamda Husan polvonlar bilan birgalikda xalq olqishiga sazovor bo'lib yuribmiz. Muslimbek men kabi polvonlikka astoydil qiziqdi. Agar unga, tomoshalarimizda biror kun maydonga chiqmaysan, charchab qolding, deb ko'ray, unga bundan-da og'ir jazo yo'q... Ammo uning bir aybi bor: polvonlardek baquvvat ovqat yemaydi, faqat «Snikers»ni ishtaha bilan yeydi, xolos.

An'anaviy xalq amaliy san'ati darbozlikka hamda milliy sirk tomoshalariga cheksiz mehr qo'ygan Omadbek va Muslimbekning tomoshalarini ko'rmoqchi bo'lsangiz, go'zal Toshkentning G'afur G'ulom bog'iga oshiqing. Shuningdek, bu ajib maskanda Mustaqilligimizning 20 yilligi bayrami shukuhiga guvoh bo'lasiz.

Ma'mura MADRAHIMOVA



Bizning oromgoh

## MUKOFOTGA SHIRIN KULCHA



Toshkent viloyati, Bo'stonliq tumanidagi Yusufxona qishlog'ida joylashgan «Chotqol» oromgohini ko'pchiligingiz yaxshi bilasiz. Axir bu maskanning havosi toza, tabiati xushmanzara-da.

To'rt mavsumga mo'ljallangan bolalar sog'lomlashtirish oromgohimizda 16 ta guruh faoliyat ko'rsatadi. Bu yerda yurtimizning qadimiy shahri Buxoro, Xorazm va Qoraqalpog'iston Respublikasidan kelgan bolalar ham hordiq chiqarishdi.

Erta tongdan musiqa sadolari bilan uyg'onamiz, yuz-qo'llarimizni yuvgach, badantarbiya mashqlarida chiniqamiz. Oshxonadagi nonushtadan so'ng, bizning kun tartibimiz boshlanadi. To'garaklar, kutubxona, ko'rik-tanlovlarda qatnashamiz. Uch kun davom etadigan spartakiadada bellashamiz. Eng sevimli mashg'ulotimiz suv havzasida cho'milish. Oshpazlar mahorat bilan tayyorlagan kattakon shirin kulcha yutuqlarimiz mukofoti bo'ldi.

Aziza YO'LDOSHEVA, kutubxona mudirasi

## YAXSHI

Qadrli yosh kitobsevarlar!

Bilim manbai bo'lgan kitoblarni sevib mutolaa qilishingizni yaxshi bilamiz. Yozgi ta'til kunlarida yaxshi kitoblarni bo'lsa, ayni muddao bo'lardi, shunday emasmi? Quyida «O'zbekiston Milliy Ensiklopediyasi» Davlat ilmiy nashriyotida chop etilgan yangi, qiziqarli kitoblarni haqida to'xtalmoqchimiz.

## KITOBLAR

## «BUYUK AJDODLARIMIZ»

deb nomlangan kitobda Turon, Movarounnahr zaminida yashab o'tgan ulug' bobolarimiz, buyuk ajdodlarimiz haqida yozilgan. Ular orasida nomi uzoq yillar mobaynida tillarda doston bo'lib kelgan xalq qahramonlari, bosqinchilarga qarshi mardonavor kurashgan zabardast sarkardalar, jahonshumul ahamiyatga

molik davlat va din arboblari, umuminsoniyat tamadduniga ulkan hissa qo'shgan buyuk mutafakkir olimlar bor.

Ushbu kitob Siz yoshlarga, buyuk siymolarimiz haqida ma'lumot olishni istagan keng kitobxonlar ommasiga mo'ljallangan.

«Mening birinchi ensiklopediyam» ruknida nashr etilgan «KOINOT» kitobida Siz Koinot, Yer, Geografiya bo'yicha o'zingizni qiziqitirgan savollaringizga javob olishingiz mumkin. Jumladan, kitobning «Koinot» bo'limida: «Koinot qanday paydo bo'lgan? Yer qayerda joylashgan? Koinotda qancha yulduz bor? Nima uchun Quyosh chiqadi va botadi? Nima uchun yoz va qish bo'ladi? Oyda qanday odam yashaydi? Nima uchun Oy kattalashib va kichiklashib turadi? Tutilish nima? Bugun biz koinotda nimani ko'ramiz? Yer, Oy, Quyosh qanday paydo bo'lgan? Nima uchun yil fasllari o'zgaradi?» kabi bir qator savollarga javob olasiz.

## «TEXNIKA DUNIYO» deb

nomlangan kitobda esa texnika va ilmiy kashfiyotlar, mashinalar, poyga avtomobillari haqida ma'lumotlar beriladi. Uning texnika va ilmiy kashfiyotlar bo'limida yosh kitobxonlarimiz ajoyib ixtirolar va mashhur ixtirochilar bilan tanishadilar, shishaning paydo bolishi va undan buyumlar tayyorlash sirlarini bilib oladilar, hozirgi kitoblarning o'tmishdoshlari va yana ko'plab ajoyib buyumlar bilan uchrashadilar.

Kitob rangli suratlar bilan bezatilgan. Shuningdek, unda texnikaga oid so'zlar lug'ati ham berilgan.

## BOR

Dilorom  
HOTAMOVA

Istiqlol, shubhasiz, buyuk ne'mat.  
Ko'hna va hamisha navqiron Vatanimiz  
uzra ozodlik bayrog'i hilpiray  
boshlaganiga yigirma yil bo'ldi.

OLAMNI MAHLIYO  
AYLAGAN DIYOR

Ona yurtim, muborak navqiron yoshing,  
Olamni yoritdi nurli quyoshing.

«Vatan» atamasi arabcha so'z bo'lib, ona yurt ma'nosini bildiradi. Alisher Navoiy bu so'zni ona yurt, tug'ilib o'sgan joy, maskan, manzil ma'nolarida ishlatgan.

Prezidentimiz Islom Karimov rahbarligida xalqimizning milliy-tarixiy turmush tarzi, urf-odatlarini asosida o'z taraqqiyot yo'limizni belgilab oldik. Yer yuzidagi va yer ostidagi barcha boyliklarimiz xalqimizga xizmat qilmoqda. Tilimiz, dinimiz, urf-odatlarimiz qayta tiklandi. O'zbekiston xalqaro maydonda ko'plab davlatlar bilan do'stona munosabat o'rnatib, har tomonlama hamkorlikni yo'lga

qo'ydi. Endilikda O'zbekiston qishloq xo'jaligi rivojlangan industrial davlat.

Xalqimiz hamjihatligi tufayli bunyodkorlik va yaratuvchanlik ishlari amalga oshirilmoqda. Eng muhimi, davlatimiz jahonga yuz tutib, olamni mahliyo aylagan diyor ekanligini namoyish etdi. Xususan, qisqa muddatda «Asr mo'jizasi» deya ta'kidlangan «Toshg'uzor – Boysun – Qumqo'rg'on» Temir-yo'lining qurilib, ishga tushirilishi yurtimizning xalqaro salohiyat va qudratga ega ekanligini yana bir bor namoyish qildi. Natijada, ko'plab chet el sarmoyadorlari

## «Mustaqillik madhi bolalar ijodida» tanloviga



O'zbekistonning imkoniyatlariga ishonib, u bilan hamkorlik loyihalarini amalga oshiryapti.

Erkin tadbirkorlikka keng yo'l ochildi. Yosh tadbirkorlar, fermerlar, mamlakat iqtisodiyotini rivojlantirishga samarali hissa qo'shmoqdalar. Iste'dodli sportchilarimiz, san'atkor yoshlarimiz ona Vatan dovrug'ini olamga

yoymoqdalar.

Mehnatsevar, bag'rikeng, saxovatpesha, e'tiqodi mustahkam, ma'naviyati yuksak xalqi bor O'zbekistonning mustaqilligi mangudir. Jonajon yurtimizning buyuk kelajagini qurish baxti hammamizga nasib etsin!

Onam kabi muqaddassan,  
Qalbmida noming Vatan.  
Ko'zlarimga to'tiyodir,  
Sharafing, shoning Vatan!

Zulfizar XUDOYQULOVA,  
Surxondaryo viloyati, Uzun  
tumanidagi 3-umumta'lim  
maktabi o'quvchisi

## Pazandalik sirlari

## PAXLAVA

## Kerakli masalliqlar:

6 ta tuxum, 250 gramm saryog', 4 osh qoshiq qatiq, 2 piyola un, yarim choy qoshiq ichimlik sodasi, 1,5 piyola shakar, yong'oq, mayiz.

## Tayyorlanishi:

6 ta tuxumning oqi sarig'idan ajratiladi. 250 gramm yumshatilgan saryog' bilan 2 piyola un uvalanadi.

Tuxumning sarig'iga 4 osh qoshiqda qatiq, yarim choy qoshiq ichimlik sodasi solib aralashtiriladi va uvog'ining ustiga quyib, yumshoq xamir qoriladi. Xamir tindiriladi va 3 bo'lakka bo'linadi. Tuxumning oqi esa bir yarim piyola shakar bilan ko'pirtiriladi. Unga 1 piyola tozalangan yong'oq, 1 piyola mayiz solib aralashtiriladi. Gaz patnisiga bir zuvala xamirni yoyib, kremli qorishmaning uchdan bir qismi suriladi. O'rta olovda 25 daqiqa mobaynida pishiriladi. Qolganlari ham shunday pishiriladi.

## Kremiga:

250 gramm yumshatilgan saryoqqa quyultirilgan sut solib krem tayyorlanadi va pishgan mahsulotning orasiga surtiladi. Ustidan eritilgan shokolad quyiladi.

Yozimli ishtaha!

ZUBAYDA tayyorladi

Qadrli singillarim, aslida-ku, har biringiz pazandasiz. Lekin uning sirlari shu qadar ko'pki, hech kim adog'iga yetolmaydi. Bilmaganlaringizni o'rganib, bilganlaringizni o'rgatib borsangiz, foydadan xoli bo'lmaydi. Qolaversa, ta'til kunlarida bo'sh vaqtigingiz mo'ligini inobatga olib, pazandalik sabog'ini berib bormoqchimiz. Bugun Sizlarga ikki xil shirinlik tayyorlashni o'rgatmoqchiman.


## O'RAMA KULCHA

## Kerakli masalliqlar:

250 gramm saryog', 2 osh qoshiq qatiq, 2 osh qoshiq qaymoq, yarim choy qoshiq ichimlik sodasi, 2 piyola un.

## Tayyorlanishi:

250 gramm yumshatilgan saryog' bilan 2 piyola un uvalanadi. 2 osh qoshiq qatiq, 2 osh qoshiq qaymoqqa ichimlik sodasini solib aralashtiriladi va yumshoq xamir qoriladi. Xamir yarim soat muzlatgichda tindirilib, 5 bo'lakka bo'linadi. Zuvalalar juva yordamida alohida yoyilib, varaqi kesadigan «dir-dir» yordamida 8 bo'lakka bo'lib, qo'l yordamida o'raladi va pastroq olovda pishiriladi. Orasiga yong'oq, mayiz o'ralsa, yanada mazali bo'ladi. Ustiga qand upasi sepiladi.



## Tong yulduzi

## Muassislari:

O'zbekiston Matbuot va axborot agentligi,  
O'zbekiston Respublikasi Xalq ta'limi vazirligi.

«KAMOLOT» yoshlar ijtimoiy harakati Markaziy Kengashi,

«SOG'LOM AVLOD UCHUN» hukumatga  
qarashli bo'lmagan Xalqaro xayriya jamg'armasi.

BOSH MUHARRIR:  
To'liqin HAYITOV

Dizaynerlar:  
Fazliddin  
SHOYODGOROV,  
Olovuddin  
ORIPOV  
Navbatchi:  
Yusuf ABDULLAYEV

Gazeta  
O'zbekiston  
Matbuot va  
axborot  
agentligida  
0208-raqam  
bilan 2007-yil  
2-fevralda  
ro'yxatdan  
o'tgan.

TAHRIR HAY'ATI:  
Svetlana INOMOVA,  
Odina JAMOLDINOVA,  
Jahongir MUSAYEV,  
Jabbor RAZZOQOV,  
Murtazo SULTONOV,  
Feruza JALILOVA  
(Bosh muharrir o'rinbosari),  
Feruza ADILOVA  
(mas'ul kotib),  
Dilmurod RAHMATILLAYEV,  
Dilshoda DADAJONOVA

## Manzillimiz:

Toshkent shahri,  
Navoiy ko'chasi, 30-uy.  
Indeks: 100129.  
Obuna indeksi: 198.  
e-mail: tong1924@bk.ru  
www.tongyulduzi.uz  
Tel: 244-27-25, 244-63-08

## Tel/faks:

(99871) 244-38-10

## «O'zbekiston»

NMIUda chop etildi.  
Tahririyatga kelgan barcha  
qo'lyozmalar tahrir qilinadi,  
mualliflarga qaytarilmaydi.

Haftaning dushanba kuni  
chiqadi. Shakli A-3,  
2 bosma taboq.

ISSN 2010-6092  
Adadi - 31634

Buyurtma N: J 2433